

(<https://news.usm.my>)

Berita Mutakhir ▾

21 NOV BANK ISLAM TUNAIKAN ZAKAT UNTUK PENDIDIKAN PELAJAR USM



PULAU PINANG, 20 November 2017 – Bank Islam Malaysia Berhad (BIMB) meneruskan pemberian zakat kepada Universiti Sains Malaysia (USM) untuk pembelajaran dan pendidikan pelajar golongan asnaf.

“Saya berharap sumbangan ini dapat membolehkan pelajar-pelajar kita menikmati dunia pembelajaran yang lebih selesa, sekaligus membolehkan mereka memberikan tumpuan untuk membina kecemerlangan akademik dan sahsiah diri,” kata Naib Canselor USM, Profesor Datuk Dr. Asma Ismail di majlis penyerahan sumbangan zakat BIMB kepada USM yang bernilai RM55,000.

Menurut Naib Canselor USM, para pelajar USM telah menerima manfaat daripada sumbangan-sumbangan pelbagai institusi dan agensi kepada Yayasan USM iaitu seramai 80 orang pelajar Ijazah Tinggi dan Ijazah Sarjana Muda USM menerima biasiswa penuh, 500 orang pelajar telah menerima sumbangan zakat dan seramai 200 orang pelajar bottom billion (B40) yang menerima bantuan makanan percuma.

Ketua Pegawai Syariah BIMB, Mohd Nazri Chik berkata, sumbangan ini adalah untuk kepentingan para pelajar USM dan juga menunaikan tanggungjawab sosial khas pihak BIMB kepada institusi pendidikan tinggi.

"Alhamdulillah BIMB dapat lagi menyumbang pada tahun ini dan diharap ianya memberikan manfaat kepada golongan asnaf di USM dan sebagai tambahan, pada tahun ini BIMB turut menyumbang 40 naskah buku syariah perbankan untuk rujukan warga USM," tambah beliau yang mengetuai delegasi BIMB ke USM.

Yang turut hadir Pengarah Yayasan USM, Profesor Dato' Ir. Dr. Mahyuddin Ramli dan wakil Pejabat Wakaf USM, Ustaz Iswandi Abdul Mukmin dan Ustaz Nazrul Hassan.

Teks: Nor Rafizah Md Zain



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015